



金石文叢稿本

武藏十

二十四

特別
子10
4622
24

3



410  
4622  
24



朝整新聞二千三百二十二號

明治十四年六月十五日

鎌田醉石君亡妻上月氏墓表 井上毅

司法書記官鎌田君伯寧孺人上月氏以明治十  
三年十月廿日没于東京富士見街邸享年三十  
有三。孺人生有淋姿。年十六始議婚。侍女微動之曰。  
良人貌不揚。娘君意謂何。孺人正色曰。平生願得有  
志節之丈夫。送之。他非所問也。伯寧祇藩命在外。孺  
人侍大母及大孺人。奉養備至。伯寧官于朝。舉家移  
于東京。素不以家夏。經意。孺人經理細大。莫有遺漏。  
儻友招集。供饌行酒。款待殫心。贍給奮故。不問有無。

武藏



意。當。在。成。夫。子。之。美。明。治。十。三。年。春。孺。人。送。伯。寧。在。高。知。縣。患。咳。咯。血。醫。以。為。不。治。之。症。伯。寧。遷。今。職。孺。人。送。歸。于。京。徐。謂。伯。寧。曰。官。資。之。進。未。足。以。酬。良。人。之。志。妾。竊。知。之。惟。良。人。精。慎。後。事。以。免。空。疎。之。譏。妾。之。願。也。遂。不。起。嗚。呼。此。足。以。觀。孺。人。之。概。矣。孺。人。諱。都。多。以。嘉。永。元。年。八。月。某。日。生。于。肥。後。熊。本。考。江。良。丹。七。君。熊。本。藩。士。妣。磯。野。氏。早。沒。繼。母。上。月。氏。孺。人。年。十。一。為。外。家。上。月。八。郎。君。所。養。冒。上。月。氏。舉。二。男。二。女。葬。于。谷。中。多。寶。院。大。母。塋。側。僧。謚。曰。清。光。院。伯。寧。屬。余。表。其。墓。以。闡。懿。德。

明治十四年六月

從五位井上毅撰

西元陳亡陸軍士官學校生徒之碑

馬伏波云男兒要褻尸馬革不死於兒女子之手蓋  
人壽有限徒死牀上孰如捐身報國則吾未見其死  
於疾之為幸而死於戰之為不幸也抑亦有不幸者  
焉仲尼所謂苗而不秀秀而不實者是矣明治十年  
薩人西鄉隆盛反王師征討轉戰於肥日隅豐之間  
丁壯數千殞命鋒鏑而陸軍士官學校生徒尤為可  
惜焉初亂起賊獍獠生徒聞之奮欲効力行間乃  
命為見習士官者百四十餘人各率部兵踴盪摧堅  
進止有法人稱其精銳及事平死者三十三人嗚呼

生徒之從軍也、必死自誓、不期生還、則三十三人者、  
可謂得其所矣、然彼少者齡十八九、長者不過二十  
五六、以有待之年、一朝埋骨原野、不得使其展力於  
學、熟業成之日、豈獨生徒之不幸、亦國家之不幸也、  
於是同學之士、惋惜追悼、不能已、相議聚資、建碑靖  
國社、側歲、收薦、享慰、忠魂於泉下、未徵余銘、銘曰、  
非死之難、處死為難、擇有輕重、鴻毛泰山、惟茲生徒、  
忠膽義肝、協力共事、或亡或存、亡者含笑、為國致身、  
存者垂泣、為友招魂、戎錄歎狀、貞石之鑿、石有敗泐、  
名則弗湮、

明治十四年九月

修史館一等編修五位川田剛撰  
陸軍大將兼左大臣二品大勲位熾仁親王篆額

從五位長黃書

廣羣鶴刻字

朝野新聞二十六百七十六号明治十五年九月十六日

從五位新田君墓碣銘

出告繁實

明治十四年五月三日。凌雲新田君病沒矣。友人出告繁實。曰。嗚呼。當天步艱難之取。為國忘家。為君忘身。勇進決行。百折不撓。其能竭力於國。夏如君者。蓋亦鮮矣。頃池上氏乞銘于余。蓋以知君者。莫余若者也。君姓新田。名義雄。初稱弘俊。更三郎。凌雲。其號大和郡山人也。考諱貴。像生。形氏。其先出自新田。貞方。因改今姓。妣片山氏。君世仕郡山侯。君年甫十三。為館林藩士。外丸高次所養。仕我藩主秋元公。賜二口糧。班中小姓。為世子侍臣。居與余家隣。每相往來。

明治十七年八月十五日作

盃酒談論。率無虛日。文久癸亥。長藩之變。君說執政。曰。長藩首唱尊攘。為天下標準。而今將得叛名。夫毛利公。我主公之親姻也。豈忍坐視其急乎。請竭一藩之力。鞠躬哀訴。雪其寃。以全兄弟之義。不省。君乃託母疾。直至京師。與各藩有志之士有所圖議。取主公在京師。余從之。藩吏論君以越疆犯禁。將逐之。余為救解而止。是時幕府要請討長。主公大憂之。命余密詣於朝廷。大臣論出師不可。且請舉藩任其變。於是藩議分黨。視余如仇讎。甚則有陰相擠下石者。君獨以一書生。慨然援余。無所畏避。元治甲子春。朝廷遂

納主公之奏。嚴討長之議。將遣主公于長藩。幕府拒之。朝廷更諭主公。使余代之。君為副。往諭朝旨。所在未還。朝議復委幕府屬分之。遂致七月變。以此幕府大疑主公。通謀長藩。遽令傳封立子。一藩不知所為。禁錮余。以說將連及君。君既在館林。養母穴山氏。謂君曰。熟視近日狀。汝欲竭力於家國。不可得焉。今為汝謀。不若速去。此土如京師。異日為報効之地。久駐罹禍。無為也。君泣而從之。單身西上。實是歲十二月也。越三年。郡山侯祿君為外交掛。遣于京師。往來諸藩間。會本藩典會津藩。不知君為解之。無幾。復罹藩

拔  
議展居。君之困阨至是極矣。明治中興。憂國之士皆得登用。君微為史官。送親征於浪華。講三略首章於御前。賜物。立以為采。尋送監察使三條公赴江戶。是取德川氏遺臣。據東叡山。五月大總督府遣君及參謀西四辻公業。將拔公現法親王於賊中。親王稱疾不出。遂有十五日之役。後累歷鎮臺府判官。復鎮將府。辨。復為史官。十一月辭官歸藩。二年為本藩大參。夏。朝廷賞君勞績。賜祿五十石。列復古功臣。四年歷五條郡山兩縣大參。夏。為中議生。叙正七位。五年為五等議官。六年轉少督學。七年進內務少丞。叙正六

位。八年任香川縣權令。明年廢縣。特旨陞從五位。十三年。以夏航沖繩。久米嶋為風濤所阻。不得還者四十餘日。竟罹疾。踰年不瘳。至是溘逝。君生于天保癸卯正月廿二日。享年三十有九。葬東京谷中天王寺。娶池上氏。生一男一女。男猛雄。女大。君為人敏捷果斷。屢夏剖判明決。多才藝。讀書不屑尋章摘句。余之被銅也。君竊穿竹籬而未與余對讀四書。每有遠意之句。以朱圈之。故君雖讀書不多。能得其要領。所發明出人意表。常曰。富強之策莫大於貿易。貿易莫急於振起工藝。殷盛物產。罷官之後。與同志創一社會。



蒐百工以究工藝。命曰精工社。其意在於立富強之  
基。以大資開明也。嗚呼。君之竭力於國。夙終始如一。  
可謂忠厚之士也。夫銘曰。不屈不伸。不窮不通。既伸  
既通。無忘匪躬。起我工藝。利我家邦。志業遠大。傳於  
無窮。

明治十四年歲在辛巳九月

岳谷繁實撰文

明治十五年天長節後一日寫

景水甲斐君墓

依田百川

其守志確不惑。其訓徒嚴不刻。其勉學勤而幅。其  
交和而直。嗚呼。是可以銘甲斐訓導矣。君名文夫。  
号景水。肥後熊本人。世仕細川侯。父止善。母梅田  
氏。年十四。補藩步操教授。尋轉小學教師。後入東  
京。為四谷小學訓導。以安政三年九月十七日生。  
明治十四年九月三日。歿于客舍。享年廿五。葬谷  
中天王寺側。君嗜學。刻苦殆忘寢食。又善國歌。使  
其永年所庶。未可測也。惜哉。生徒追慕其德。為聚  
資。建碑墓上。同僚原尚。未徵余文。乃就所聞銘之。  
宮内少輔正五位山岡鐵太郎篆額。

修史館三等編輯官從六位依田百川書

叔山邦季書

下田喜成刻

碑陰

明治十四年十二月 四 吾小學生徒建

幹事

三浦政邦

片岡吉次郎

物山邦季

加藤長九郎

伊藤藤三郎

神保孫四郎

山口萬五郎

原 尚

江村作式

鈴木直藏

加藤清問

岩壽傳次郎

朗廬阪谷先生之碑

東京大學教授從五位三島毅撰

吾備有學曰興讓館其名傳于海內而為之山長者  
實朗廬阪谷先生也先生學宗程朱而不溺性命不  
泥訓詁常服膺白鹿洞規每朝率諸生唱之然後就  
業尤能文章而不事彫琢一氣呵成直抒胸臆奇思  
橫生使人眩倒諸生傳習勿雅皆能執業遠方聞之  
來學者踵相接而館又循官道諸藩士大夫過者必  
詣請益先生亦善遇客各滿意而去是以海內莫不  
知興讓館者而先生之名大顯先生諱意字子約稱

素素三郎後更希八郎姓改吾氏朗廬其號備中川上  
郡九名村人考諱良哉妣山成氏先生其第三子也  
文政中良哉君為霸府代官屬吏寓大坂使先生受  
句詭與野小山小山以為遲鈍不能成業又學大塩  
中齋門人多愚弄之中齋獨奇之曰異日必成大  
名及良哉君移寓江戶託之同鄉精溪昌谷翁翁教  
之懇到先生亦能勉勵業日進天保丁酉良哉君歿  
先生奉柩啟明年再東遊入侗庵古賀氏門業益進  
侗庵不輕許人獨稱先生曰文鋒不可當遂擢為都  
講於是文名藉甚嘗作文寄小山小山驚矐深慙其

無鑑識而人皆服中齋先見先生業暇每遊遊必有  
記北陸曰北遊放情房相曰偷閑小記上毛及奧羽  
曰東遊雜錄既而啟省無幾欲渡東遊到大坂聞妣  
疾故養津和野津山廣島岳山諸藩並欲聘之謝妣  
老皆不應嘉永中下惟梁瀨村櫻谷相距數里山程  
崢嶸每月飯省以奉歡其地係一槁氏食邑邑吏角  
田某與部民謀曰鄉有巨儒如此盍興一費弘其道  
於是卜地寺戶村築學舍請先生主之即與讓館也  
更建塾舍待四方來學者文久中鎮西諸藩不服霸  
政物情洶洶先生竊憂之時妣既亡乃託遊覽徃探

之有記曰鎮西癸亥慶應二年一橋公輔霸政在京  
師召先生慰勞賜五口糧先生固辭請以充館費公  
欲留先生又辭曰蓋有所見于政也明治戊辰春  
霸府果獲罪朝廷廣島藩兵未鎮備中一橋氏吏狼  
狽不知所為先生周旋其間得無戛其秋廣島侯聘  
先生為賓師給俸米三百石優遇備至先生亦盡心  
啟沃多所裨補朝廷命藩徵先生先生曰廣鳴亦王  
土益力于此即益力于朝廷也且吾未滿未周年又  
去仕朝莫乃無恒乎辭不就庚午迄矣至東京會藩  
及廢辭俸留寓焉後歷官陸軍省汲心院文部司法二

省叙正七位然先生官不稱其德且年老多病將退  
休再授從預築講堂其所居春日街曰春岨學舎舎  
僅成而患熱遂不起矣十四年辛巳一月十五日也  
去文政五年壬午十一月十七日之生享年六十葬  
天王寺新阡官賜祭染百金舊廣島侯賻七十金東  
京學士會百金會文部省所以公選學士議學政也  
先生亦與焉娶山成氏生五男曰禮之少次曰次雄  
嗣曰達三曰芳郎曰政作殤先生累然清癯脩面尖  
頤常莞尔含笑胸襟灑然能容人又好周窮乏事妣  
孝順能養其志妣信日蓮教每旦唱題目先生亦侍

坐和之。平素嗜酒，迨服喪，不手杯酌。三年，其論貶夏公而不偏通，而不迂。嘉永文久間，攘夷用港，兩議相軋。海內騷然，先生堅持用港，嘗遊蕻藩，論主攘夷。先生語長梅外曰：今唱攘夷者，後必主用港。梅外不服。及明治中，與蕻人輔王政，果如其言。梅外贈詩謝之曰：昔年驚異聞，今日愧先見。嘗唱合議說，建白之于廣島于朝廷，皆不行。其意略與西洋議法暗合。嗚呼！先生學識如此，而官路蹉跎，徒終于文儒，可不惜哉！然先生秉鐸與讓館，殆二十年，所教育不下數百千人，其道固弘傳而及去館，命姪文平繼業。生徒

益至，則先生遺澤未可知矣。所著文、詩各千餘篇，左說、私鈔三卷，田舍話二卷，皆藏于家。評註東萊博議六卷，日本地理書三卷，已刊行。今茲壬午春，文平遠展其墓，遂典次，碓俱來請曰：門人相謀將建碑，而知吾朗廬者莫若子，子其銘之。余與先生同國，年少八歲，兄事之，辱誘掖者殆四十年，豈可以不文辭之，乃為之銘曰：

君能文章，子厚維儕。吾銘破裂，愧彼昌黎。君得師道，安定維匹。吾表鹵莽，愧夫六一。文耶道耶，載在遺編。典型千古，弟子如雲。

正二位勲二等侯爵淺野長勲題額  
正五位日下部東作書

廣羣鶴鏤

明治十九年一月三十日寫

讀賣新報

三千二百九十五号廣告  
明治十九年一月十三日

辱知先考朗廬諸君為捐資建碑于備中江原  
天神山與東京谷中墓地頃者皆成共極壯大雅致  
先考地下之喜固不俟言子孫光榮何以加焉謹  
奉謝

明治十九年一月

在東京

坂谷次雄

在米國

坂谷達三

在東京

坂谷芳郎

建碑諸君

青木君樹堂墓碣銘

嗚呼青木君樹堂之墓。非六位鷲津宣光謨文  
正六位鷲津宣光謨文  
甲子之歲。余自江都歸省。鄉里途留。名古屋。數  
日。君介送旅主人。以其所著德川氏史稿四卷  
為贄。乞謁。乃余延之。圓齋方袍。舉止安詳。坐定  
與之談。古今得失。娓娓可聽。遂歸交。既而余應  
聘。歸。潛藩學。兼參政務。君取過。送情。毋益。密為  
人。沈實寡言。可以託重事。于書靡所不窺。景志  
於經國之學。明治元年之春。王師東征。藩與江

戶同宗也。將祭間使說以恭順而憚耳目難其  
**藩**人。余謂成嶺成瀨正肥曰：堪是任者吾客樹堂  
也。正肥然之。君乃奉命單身東赴。周旋竭力居  
五十餘日。宗子納城邑而朝廷更賜駿遠參三  
國奉先祀。君共有力焉。然君謙冲不敢居功。亦  
未嘗語人。是以世識之者鮮矣。三年脫僧服。歸  
儒。藩因為漢學一寺教授。尋轉樞大屬。管農商  
會計。病院。教育所。等夏。五年辭職。八年再出為  
大藏省租稅寮吏。以清白強幹稱。屢受褒賞。十  
四年四月十五日以病卒。享年五十有七。葬于

東京谷中天王寺。官追祿其功。賜賻金九拾圓。  
蓋異數也。君名可笑。字孟純。號樹堂。又鷲巢。僧  
取名祖。方字陽春。為大高邑長壽寺主席。姓青  
木氏。不詳其所出。尾張國名古屋人。配吉岳氏。  
無子。養則武氏之子萬三為嗣。君屈身刀筆。未  
能伸宿志。然純然儒雅。公暇。夏鉛槧。遂補修其  
史稿。命曰江戶外史。凡十五卷。又著尺牘便覽  
二卷。皇漢金石文字一覽二卷。傷善吟詠。有詩  
集二卷。欲得余序。以公于世。未果而沒。悲夫。保  
以銘曰。



學優才贍。退然其中。偉哉子也。儒者之風。而官  
典年。僅止于此。彼蒼者天。何嗇於子。惟其史筆。  
千秋焯焯。不湮不朽。以紓我傷。

從一位勲二等德川慶勝篆額  
從五品浙江王仁爵書

明治十五年三月建

吉川安壽鑄

明治十五年四月三十日夜寫

花月新誌第百二十二号一頁

德川文昭公胞衣塚碑

蒲生聚亭 名重章

城之東北沿不忍池。隆然高以長者。為躑躅岳。其下  
為千駄木村。有神祠曰根津神社。往昔此地為德川  
將軍文昭公之邸第。公以寬文二年壬寅夏四月廿  
五日生。瘞其胞衣于此。母聚石作塚。世傳曰胞衣塚。  
以根津神社即為公之土地神。寶永二年命有司修  
治之。堂宇宏壯偉麗。至今弗墮。而胞衣塚幽草荒蕪。  
人少知之者。祝官西邦維中川真節有慨於此。乃將  
欲建碑於塚上。以紀公之德。而傳諸不朽。請文於重  
章。重章謹案。公諱家宣。幼名希松。甲府侯綱重之子。

五代將軍常憲公養為子。及常憲公薨，嗣為將軍。寬裕慈仁，銳意謀治。親決前代滯獄，赦罪囚一歲。至於八千八百餘人。德川氏創業以來，恩典之大，所未有也。嘗憫麾下士貧困，其長子齡及十七歲者，悉許蔭仕。間有增齡中選者，老臣曰：「詐冒欺君，其罪不輕。」公曰：「親之情以子年齡不滿而不共，是例遺憾可知矣。」笑而不問。其居潛邸，聘新井君美受學，博涉經史。尤毋通鑿目，循環聽講者三。如大學行義，手自加朱批。君美侍講，公朝衣竦聽。凡千二百有九日。如一日。此其母學蓋如是。是以政治清明，制度文物之美，雖唐

宋明主，蓋不之過也。惜乎治世纔四年，享齡五十有一，以薨，不能益如其志。其善政美行，史乘紀之。今揭其一二而已矣。嗚乎！甘棠遺愛，猶不忍加之剪伐。況胞衣之所瘞，寧忍荒蕪不鋤，使狐狸虺蛇窟宅哉！宜矣。二子之有此舉也，遂吞其瓦於石，繫之以辭曰：「有岳蜿蜒，蚪龍蟠躑躅，被之碧苔，皴四月清和公誕辰。躑躅初開吐奇芬，紅紫爛熳花繽紛。天鍾嘉瑞生仁人，紫河之車載公臻。政治寬裕活斯民，太宗縱囚妾足論。仁宗知軾非比倫，我公毋文重儒臣。四海熙熙溫於春，紫河車瘞花木根。公薨未格值花晨，勿剪勿假。」

敗勿加斤。樹即甘棠花慶雲。

杏平春嶽云。前段寬裕慈仁。銳意謀治之實。寫出  
明確。末段所以有甘棠之贊揚。首尾照應。有法有  
力。老手不易到。○又云。叙吏如墨画。韵語如著色。  
此濃淡兼有者。  
島田篁村云。叙吏詳賅。而韵語巧妙。尤可誦。

從五位吉井君墓表

太政大臣從一位勳一等三條實美篆額  
內務大輔從四位勳二等土方久元撰文

遷  
明治十四年五月二十七日。吉井君歿于東京駿河  
臺之寓舍。是月二十九日。葬于谷中塋域。嗣子茂則  
以予知君之深且熟也。請予文表其墓。君本高知藩  
士。方中興初。為長壽府員。遷佐渡縣判吏。既而罷。擢  
刑法官。權判吏。明治二年。始置民部省。任監督。正叙  
從七位。遷民部少丞。叙從六位。進推大丞。叙正六位。  
以本官知兵庫縣吏。又兼大阪府推大參吏。四年。廢

民部省乃任工部少丞尋轉大丞叙從五位又遷燈  
臺頭十年廢各省大少丞以下官君亦在其中居無  
幾病歿特旨賜賻金若干圓夫中興之際制度未備  
世又多變君奉職東西奔命不遑寧居其功勞固不  
為少而苦心焦慮有大於此者君之在藩也嘗憤幕  
府失政慨然將有匡救之以為在僻地官瑣吏日与  
倍吏接恐無得志之期乃脫身而走竊与中国鎮西  
志士交欲捐身殉國家歿予亦與同藩士數人從三  
條公在筑前太宰府君追予等來共居數月去之長  
書寄是耽幕府威權猶盛人畏之不肯舍匿君晝伏夜

行崎嶇間閱其窘苦有不可言者而意氣益奮明治  
元年正月幕府兵在京師為薩長諸藩兵所敗奔竄  
東歸報達于長崎幕吏不知所措倉皇夜遁君亦為  
府員得假建府廨設官能政長崎民賴以安先是朝  
廷已赦君等逃亡之罪君乃為府員得公然行吏蓋  
中興之業於是乎成而君之素志亦始遂矣予既與  
君同鄉又同逃亡之戕則之以予為知君者殆在于此  
乃叙其行吏之大者而他則不敢縷述焉君諱正澄  
通稱源馬父曰駒太母田村氏以天保二年九月二  
十八日生高知享年四十又九娶長崎人鶴田某無

子養姪為嗣即茂則也

明治十五年五月

正五位日下部東作書

井龜泉刻字

明治十九年七月十三日寫


雲烟供養之碑

雲烟供養何為修之也田澤靜雲為其所知藤森天  
山石井潭香諸老而下百有餘人追福修之也維取  
明治壬午七月十六日於台麓生池教院諸与靜雲  
相往來者畢至助之乃陳靈座于堂中央而四壁所  
展皆其遺畱画恍如觀諸老欣然吮墨拂素昔者宋  
漫堂為宋蘇東坡先生祭其生辰畫傳以為美譚今  
靜雲修此供養殆有類焉而宋代名于文學者何限  
漫堂獨擇東坡一人而又未聞有展遺畱余聞之釋  
氏之言曰佛諸供養中以法供養為最重夫天山諸

老 先生前嗜文墨甚於飲食何以異佛之於法矧人之  
於嗜母與其獨玩樂之孰若聚諸同母共玩樂之推  
之鬼神之情亦不甚遠也然則靜雲合祭一百有餘  
羞 人于一堂之上代百味五果之羞以昏画可謂遠軼  
于東坡生辰之會而深合于法供養之義矣靜雲未  
謁余記之余謂靜雲風流雅尚特為文苑添一典故  
是宜記也乃具昏諸石且整以招菟之辭其辭曰  
龍飛兮鳳舉雲吞兮烟吐是神兮所依何心匪兮盛  
其主如入兮琳瑯之苑如登兮圖昏之府靈菟歸未  
兮湖之渚芙蓉出水兮葉滑、樂土兮彼岸豈在兮

以他處游容容與兮言歸其銜兮鳴者珩璜琺瑯

明治壬午之歲九月 毅堂山長譔



一六居

誠

士書



田澤靜雲建 井龜泉刻

朝整新聞第千六百八十三号明治十五年九月廿六日

故陸軍少將兼大警視正五位勳二等川路君  
墓表

編修副長官從五位重野安繹撰

陸軍少將兼大警視川路君自明治初任警官奉命  
航歐洲攷究各國警察之例歸上疏曰

□請倣三國例置警察署於東京凡京中警察之吏  
其長官掌之他府縣使知吏令兼掌之朝廷納之乃  
置警視廳屬內務省先是內務省未建設警保寮於  
司法省管國內警察君接各國之例曰司法與行政

有別圖國警察非法司之所宜專管故各國皆有內  
務省以統府縣警察至是朝議先置內務省次及警  
視廳君又以謂邏卒之職平時任警察臨有變則執  
戎器以鎮暴亂故各國多用軍人然彼無士民之別  
故不得不取軍人我邦幸有士族宜取以充之人民  
之損害莫大於火災故消防為警察之要務東京多  
災而舊制救火之吏委於府司宜遵各國之例屬之  
警官吏皆施行君以明治五年赴歐洲取為警保助  
及置警視廳為其長官乃廢邏卒番人增巡查之員  
改京中區域排置支署架電線以通聲息設消防別

隊用□筒救火又創設河海警察於是盜火之害大  
減君常憫囹圄之傷人命欲釐革其弊囚獄舊屬於  
府司迨本廳管之大更定獄則益意看護宿弊頓革  
君嘗建議訓巡查以備非常會佐賀山口諸縣亂作  
鎮靖剿捕共有力焉而最後有鹿兒島之變君鹿兒  
島人世仕藩主為衛騎西鄉隆盛甚器重君戊辰伏  
見之役君率一隊戰于竹田有功既而隨隆盛東下  
收江戶城君先衆入城五月攻東叡山君率兵自三  
枚搗進破黑門而入賊潰走遂與諸將東征攻圍若  
松亂平歸藩陞兵部奉行後三歲徵拜東京府大屬



累轉權典夏典夏遷邏卒總長以至航歐洲皆隆盛  
所推轂也及隆盛去政府君反覆陳說以留之不聽

隆盛與其徒在鹿

布

兒島君知其終激亂命部下伺察其動靜多有耳目  
隆盛之徒深惡之謦言君與利通遣刺客刺隆盛因  
舉兵及十年二月奉命赴西京拜陸軍少將為征討  
旅團司令長官帥部下三千西下轉戰肥薩間遂入  
鹿兒島七月歸東京此役君以為賊所指名奮戰決  
鬪大小七十餘合而奪賊依據為陸海將士解圍其  
所率部下皆其所嘗訓練者刀銃并用精悍無前敵

年

皆畏之云以功叙勳二等賜旭日重光章勳章年金  
五百圓十二年奉旨再趨歐洲更訪求警察夏例船  
中病歿至法都益劇十月歸朝天子使侍臣侍醫問  
疾遂不起是月十三日也葬青山城墓天使臨家賜幣  
帛又褒其積年勤勞賜祭案金二千圓賑恤其家族  
五千圓君竭力於職務夙夜孜孜不休本廳建設以  
未從居官舍無暇不視夏夜則召集分署長等於廳  
內獎勵職夏訓諭懇到每達宵分三年間不曠一夕  
僚屬輯錄其語曰警察手眼性無他嗜好唯以夏務  
修舉為快樂其臥病海外惓惓公夏督勵從行諸員

期以成功、勿負使命之任、至病篤、不變、平生語人曰、  
本邦政變、比之歐洲治國、無一出其右者、為可憾已、  
吾願以我警察法、超過諸國之上、是非甚難、其自  
任如此、君身材修頎、廣額豐下、鬚髯疎疎然、膽壯氣  
剛、當夏不避嶮艱、接人笑貌溫和、而勇邁之色溢乎  
眉宇、性慈仁、憫物、部屬有以戰夏死傷者、嘆賞不已、  
至為垂泣、捐私財贈遺之、吊死者遺族、或建墓碑、追  
悼、遂設吊慰法、凡有死傷者、本廳官吏、醵金以吊、賻  
賑恤、著以為例、以故人人致身職務、而不畏死、君自  
少修文武諸技、受擊劍於長沼某、究其秘奧、從余及

水本成美、受經、勤學作詩、歿後檢篋、得詩稿一卷、  
中有兵役使命之作、而人未嘗有見、君哦詩者、嗣子  
利恭、梓藏于家、命曰龍泉遺稿、龍泉其別號也、諱利  
良、初稱正之、進考諱利愛、母川路氏、生一女、無子男、  
養五代友政子、配以其女、即利恭也、君既歿、本廳官  
吏胥謀建石勒、君功績、屬文於余、內外官員、東京府  
民及外國人、捐貲助之者五千餘人、余乃詮次君之  
終始、竭於職者、表于墓道、

明治十五年八月

太政大臣兼賞勳局總裁修史館總裁一位大

勳位三條實美篆額

修史館監吏從五位勳五等巖谷修書

明治十五年十月廿日

秦蒙將軍之象

於惟將軍猛厲無前威震匈奴氣慨燕然城塹萬里  
絕地迴天百世之利何惜一捐將軍典學文翰翩翩  
緬懷彤管漆書未便將軍先覺思幽入玄中山之毫  
遷既柔且圓束縛有加濡染如椽封之管城百禩不遷  
何以徵之昌黎茂先高才壽穎七葉衍傳企想先型  
仰高鑽堅求將軍像幾四十年屬為撰記大書深鏤  
蓬萊之嶠神山之顛風雨不渝古兒孫

荊州楊守敬撰并書

遵義黎庶昌篆額

光緒八年十月穀旦

右刻石在三圍稍荷祠前石面下段摹刻  
圓山應舉所畫蒙恬肖像此舉出于東京  
華匠高木壽顯之意故向中及之光緒八  
年當我明治十五年

誠記

明治十六年十二月廿夜

官令新誌附錄時代史要五篇卷三

菊池溪琴墓碑銘

菊池三溪

隆 身在草莽竭力王室匪躬寧一終始如一以默補今  
日至隆極治之鴻業者雖無血戈汗馬之勞安可不  
顯揚而錄之乎哉亘乎朝旨賜物褒賞我海莊菊池  
溪 先生也先生諱保定字士固號溪琴後改海莊稱孫  
左衛門南紀在田郡柘原村人祖諱惇義號恂齋考  
諱孝友號淡齋妣宮原氏生三男一女伯田廣教出  
繼宗家季曰惟聰女適某仲即先生也先生為人溫  
藉敦厚讀書不求甚解崇尚名節傍擊劍講武蚤抱  
杞憂尤單思于海警居常語人曰我邦環瀛一孤島

絕  
烏耳未雨之綢繆不可不豫講當是時江海莫安上  
下怡熙終不知兵革聞者私誹笑之先生一意講究  
兵備天保丁酉年穀不登道殍載路先生大募貧民  
開拓山道厚資給之全活者數百人藩侯賜俸若干  
口瘼之執政久野純固素與先生親善待以西席凡  
內外諸政欲有施行必先就而諮詢之先生具草條  
陳翼贊有力嘉永癸丑之變海內繹騷先生慨然自  
奮曰此國家存亡之殊吾儕小人亦不可以坐視乃  
農  
召募鄉里壯丁編行伍設農兵築堡塢具銃礮園鄉  
村豪族風靡景從交醵金助之先生率先得袖為空而

不少顧也明治紀元車駕幸浪華先生上疏建言  
夏議論剴切皆有補於當世既而海內戢戈普率無  
蕞  
虞先生遠引高蹈屏居山中不復語世夏蕞笠澳裝  
逍遙于江雪浦月之間嘯咏自娛五年九月教部省  
徵先生辭以老病不出七年八月內旨賜菊章銀盃  
及黃金二百圓褒賞其積年竭力國夏蓋異數也十  
二年五月挈家赴東京當路公卿召見優禮聞者華  
之十四年一月十六日病沒于淺草寓舍享年八十  
三葬于城北谷中村天王寺後邱配富氏先沒有一  
男一女皆大養姪孫武定為嗣又先沒養小川氏子

武豐妻以側室女，生四男，曰恒，曰貞，曰希，曰藤。先生博涉經史，尤喜韻語，初從于大窪天民，後與四方諸名士相唱酬，冲澹高古，純以神韻勝。其集前後梓行于世者，曰秀餐樓集，曰溪槩山房集，曰海莊集，每一集出，舉世傳播，爭購求之，是以人或目先生以島郊流亞。至其忠憤義慨，竭力王夏，則待朝賞，然後始顯。嗟呼！先生豈屑以詩名彰於當世者乎？武今茲一月，大祥忌辰，令孫仲幹持其家譜，來謁銘，予與先生同宗，實南朝忠臣正觀公之子孫，又嘗辱提命之誼者，安得不泣血流涕，銘其墓乎？武銘曰：武人，吾武，固分。

之。臣、文人喜文，別樹赤旗，勤王憂國，默補鴻基，爰為詩賦，光怪陸離，武城之北，東台之陞，骨雖朽乎，名存

豐碑

陸軍步兵位長谷村計介碑

左大臣兼議定官陸軍大將二品大勳

位熾仁親王篆額

嗚呼一卒一下士身而忠勇義烈巍然炳然足以  
為軍人龜鑑如谷村計介者可勝悼歎計介日向  
諸縣郡倉岳之士族也父曰坂元利右衛門計介  
其第二子出嗣谷村平兵衛家明治五年熊本鎮  
臺徵為步卒七年二月佐賀人作亂臺發步兵一  
大隊分為二小隊并進計介適大隊長心得大尉  
和田勇馬由海路入佐賀城賊遽然未攻槍砲交

癸城中無糧儲彈藥缺乏勢不可支分三梯陣欲  
潰圍以合陸路兵計不屬中陣開門突出賊四面  
夾擊我兵殊死戰賊軍披靡遂得破一方然隊伍  
混亂又分為三計介屬大尉奧保鞏且戰且走至  
繩取村有小川賊伏兵前岬我腹背受敵少尉三  
木一率小部隊革隈放銃擊賊右翼計介挺身奮  
鬪遂破之涉川抵江見村見田夫疾走衆謂彼必  
報我動靜於賊也計介進曰我不諳地理屢迷歧  
路所以致賊追擊願此距佳吉津不遠我請離隊  
到河津艤船沿途有賊必發銃射我諸君聞銃聲

則更取他路我一死為諸君嚮導衆感歎許之計  
介乃單身前行衆皆側耳而尾之及達河津計介  
既艤船待乃急渡賊兵追至無船可濟我兵遂得  
會陸兵於府中驛是役也徵計介則一部兵益為  
河上鬼尔未可知噫危哉已而大坂軍未援諸道  
並進攻佐賀計介每戰甚力人稱其膽勇六月任  
陸軍伍長八月屬第十一大隊從臺灣之役九年  
神風堂之齧鎮臺也冬謀大尉大迫尚敏以事在  
小倉聞變即還聯隊長心得少佐乃亦希典使計  
介隨行蓋知其可倚也計介已至熊本將復赴小



倉報臺下形勢會山口秋月亂人並起諸縣繹騷  
變在不測乃使計少便道探偵柳川若有異狀速  
還報計少變形為車夫以窺動靜以其無異狀遂  
到小倉十年薩人及大舉圍熊本城內外阻絕聲  
問不通賊余領城兵欲報守城方略於証討軍營  
難其人計少屬十三聯隊在城中聯隊長心得少  
佐川上操六典衆議舉計少密詢其意計少曰一  
身輕使命重計少一下士豈能辦之哉申諭再三  
計少沈思久之曰謹聽命矣既已聽命事保必成  
但復命日難期耳此少佐借未請命余乃授教令

計少俯聽退取烟煤塗全身一再摩去黑痕如自  
然因着鶉衣嘆曰可以欺賊輩矣乘夜出城將赴  
南関為賊所縛百方解謝不聽伺守卒眠以爪斷  
繩而遁潛行吉次山中再就捕計少作為懦夫狀  
股票垂泣賊憫之解縛為擔夫得間復逸遂達第  
一旅團貳二月二十八日也其就縛也拷掠暴橫  
飲食共絕比達官軍顏色益變遇哨兵告以實不  
信縛致之本營團長少將野津鎮雄白見計少歎  
歎不能言蓋脫苦楚終使命喜極不能自禁也既  
而徐述命令說戰狀悲壯慷慨聽者皆感歎云少

將厚遇之、今在營休止、三月四日官軍攻田有坂、  
計介請列戰隊、慰諭不許、堅請不已、乃命以傳令  
之事、適官軍不利、計介怒氣勃勃、不能自抑、蹶起  
奪他人銃、單身叱咤、突入賊壘、中銃彈而斃、年二  
十有五、葬肥後玉名郡木葉町宇蘇浦、計至、奉臺  
皆歎惜焉、計介為人忠實寡言、事上官恭敬有禮、  
然眼無丁字、人未之奇、後發憤讀各習字、非復吳  
下阿蒙矣、嗚呼、計介前以一兵卒勇奮投身、脫一  
部六十餘人於危難之中、後以一下士堅忍不撓、  
克達使命、而終奮戰殞命、勇氣凜凜、使人感動、謂

之軍人、龜鑑非溢美也、計介逆征、沒四次、例當受  
勳章、況其殊功如此、設令其猶在、則固當有特異  
之獎賞、而今如此、可不重悼哉、頃者同志相謀、建  
碑於靖國神社境內、以傳不朽、自將救迄、兵卒皆  
欣然捐資助之事、聞勅賞其忠烈、賜金若干圓、計  
介之功、於是乎炳然著聞、一下士而蒙此恩、竊其  
為榮、莫以加焉、於辱盛乎哉、諸子屬碑文於余、余  
承乏、能奉鎮臺者兩次、識計介尤熟、不得辭、以不  
文、遂援筆記其顛末如此、明治十六年一月陸軍  
中將道四位勳二等谷干城撰

叻夏新報

三百五十三号  
明治十六年五月五日

軍人龜鑑之碑

前号ニ記載セシ西南ノ役ニ殊功ヲ建テ終ニ戦歿セシ故谷村計介氏  
ノ石碑ハ去ル二日ヲ以テ建築竣功ナセシカ臺座ハ異様奇態ノ礎石  
ヲ以テ疊ミ棹石ハ御影ニテ最壯觀ノモノナリ篆額軍人龜鑑ノ四  
大文字ハ有栖川大將宮ノ捺筆ニ係リ撰文ハ当敗炮烟彈雨ノ中ニ  
籠城セシ谷中將ニテ昏ハ成瀬温氏ノ筆ナリ明六日ハ靖国神社大  
祭ニ際シヌレハ午後二時ニ谷中將榊山少將乃木川上奥見至ノ四大  
佐中村會計一等副監督岩田大尉小川會計軍吏中岳大尉川口會計  
軍吏糸賀少尉ノ建碑委員ハ更ナリ其它恭集シテ竣功ノ典ヲ

奉ケ菊祭祀ヲ執行スルト云是ヨリ先辱クモ聖上ニ右建碑ノ事  
ヲ聞食シ玉ヒテ若干ノ金圓ヲ下賜サレ今又此祭祀アリ皇恩無極榮  
譽無限且其功績ハ載セテ碑文中ニアレハ赫々タル功勳不朽傳ハリ  
真ニ軍人ノ龜鑑トナルヘク氏カ吳寇ヲヒテ知ラシメハ死犹生ニ勝少栄  
譽ヲ悦ビ領クナルヘシ

故高山縣知事梅村君墓表

島田重禮

故高山縣知事梅村君既歿之十二年縣民追思  
不已乞文重野編修副長官安澤以紀其德政越  
明年其弟沼田順區屬余表其墓按狀君諱準通  
稱準次郎沼田氏水戶人仕藩族考諱泰誨母  
伊東氏君其第二子也為人誠懇好讀書善劍技  
每論吏理侃侃正議不少屈撓水藩黨豈起奸人  
嫉君最甚欲中以危禍君乃出亡抵京師變姓名  
曰梅村逸水時四方勤王之士輻輳闕下君共其  
豪俊相結納因遊說公卿間王室中興擢任高山

縣知事。至則興學校修武備通水利墾荒蕪抑豪  
猾振貧弱。凡為民利病者。銳意罷行之。而奸豪不  
便。共京官忌君者。相表裏煽動愚民為亂。繫縣廳  
劫市里。收君朝衣。誦報馳往諭之。不聽。暴益甚。  
君因拘于法司。待辨數月。以明治三年十月廿六  
日疾歿。享年二十九。葬于駒篋長元寺先塋之次。  
不娶無子。嗚呼。君以有為之才。逢有為之政。所欲  
自表見於世者。十未酬二三。中道一跌。遂致大折。  
此世之所以深惜於君。而不止為君惜也。然遺德  
之所被。頑民感悟痛悔。前非。徑于餘年。而慨慕不

釋。此又世之所絕無。而僅有其命。可以無憾矣。  
明治十六年二月

東京大學教授正六位島田重禮撰文

榭寄善三郎墓表

陸前仙臺 因千仞撰

榭寄善三郎本姓本多氏父諱準藏世事濱田藩丙寅之亂送母氏遁作州明治七年為母氏所養稱榭寄氏十三年為橫濱巡查捕強賊賜金褒賞後為東京巡查屯本所區是歲十一月三十日拂曉巡行菊川街與兇賊格鬪負重傷遂斃享年廿四葬告中天王寺官賜金百拾五圓賞其死職榊山總監典罷員遺金三百圓賑家族母氏哀慟不禁使人請余文表其墓嗚呼巡查一微官也而不敢隨生以負其職可

微

明治七年三月廿九日寫

以規世居大官食厚祿而不致死其職者也  
明治十六年七月

內閣大書記官從五位金井之恭書兼篆額

西澤石久刻字

明治五年七月十日寫

經史詩文講義筆記第五集 二十九下

毅堂鷺津君碑銘

三島中洲

友人鷺津君既卒之明年，嗣子精持君所自着行實，未屬以碑銘。嗚呼！君交友滿海內，碑銘之任，豈無其人。然其交尤久而親者，莫余若。余惡可辭之，乃据行實，參以所聞見，序之曰：君鷺津氏諱宣光，字重光，一字毅堂，稱九歲，始名監，字文郁，稱貞助，尾張丹羽郡丹羽邑人，系出丹羽縣主稻萬侶，稻萬侶後裔二郎左衛門尉諱直光，為知多郡鷺津地頭，因氏為數世孫。其左衛門諱繁光，從居今邑，是為君九世祖。曾祖幽林諱應，以文學仕妙法王府，祖松隱諱混，博學有

文藻考益齋諱弘學究古今德矜式一鄉妣磯貝氏  
文政八年乙酉十一月八日生君幼穎悟受庭訓  
略通經史年二十考既亡將奉遺命遊學妣戒之曰  
吾門中圮汝當勉學再與不然吾不子視汝因手剪  
紅白帛結之襟以備遺忘君泣而拜之赴伊勢遊學  
敬所猪飼氏既而遊江戶入昌平學嘉永庚戌君豫  
慮洋夷之患手抄清魏源聖武記曰採要上梓願同  
志觸幕府忌諱有司將中以法乃避之房總野之間  
結城侯延學館給廩米既辭皈江戶癸丑夏米利堅  
果未乞互市君慨然著告詰篇一卷獻水戶烈公當

是時從川温恭公新立天使將就拜大將軍藤田東  
湖藤森弘庵竊謀君曰幕吏因循恐不能益膺懲之  
任天使若齋別教責之或有所奮起願未得其策君  
知松浦子重有交京紳薦之子重乃潛行周旋策雖  
輒不行他日石河鶉飼諸氏遊說別教終降或基此  
此冬應久苗里藩聘受十口糧既而有勸仕尾張藩  
者以義謝之安政甲寅十居徒士街教授生徒文久  
壬戌上書論藩政不報遂致仕藩猶待以賓禮餞三  
口糧小島侯龜山侯亦餽糧問經時幕政日非內憂  
外患交至君遵養自晦諸藩欲厚祿致之皆不應會



有尾張藩侯之召君翻然奉命曰吾今隱士孰仕不可况父母之國即日治行李赴藩為侍讀受米一百五十苞未幾加五十苞轉教授尋為督學大董釐學政慶應丁卯冬德川慶喜公還太政于朝廷退居大坂詔召藩侯為議定官君扈從在京師遼聞妣病告歸則既屬纊矣家居服喪侯以國事日急奪情起之再上京是時朝廷既得政權而財用無所入將課之列藩而德川氏封額尤大乃詔侯就諭之侯遂罹疾使藩老成瀨隼人正代性君實從為慶喜公奉命而部兵在伏見者激怒更將破君以順逆利害說其吏

塚魚但馬永井主水却之大坂二氏承服乃歸京復命而兵未遽却實明治紀元戊辰正月元日也越三日伏見之變果發東兵敗北慶喜公避于江戸侯請歸藩誅姦臣共賊通者君與有力焉增賜百苞侯奉敕勸隣藩勤王君又與共更夏賊入甲信境侯出征君從參機務既平朝廷徵君拜權辦更己巳春扈車駕幸東京秋轉大學少丞尋遷登米縣權知更造淫霖驟冷五穀不登君百方放濟一縣得無餓莩庚午夏叙正六位無幾免官此歲朝廷賞功賜祿一萬五千石于藩侯侯分與一百五十石于君以其輔翼有

勞也。辛未拜宣教判官。既又歷任權大法官。五等判  
夏官廢而罷。又起為司法少書記官。辛巳夏列東京  
學士會員。十五年壬午秋。臥病于家。就拜司法權大  
昏記官。叙勳五等。賜雙光旭日章。十月五日。特旨叙  
送五位。是日卒。年五十八。葬谷中天王寺。賜儀衛兵  
送之。故舊門人會者。車馬屬于道。觀者歎息。謂儒者  
未曾有之采。君嘗自昏行。實後曰。余起匹夫。辱今日  
寵用以揚家聲。雖出于藩侯勤王之餘慶。抑亦先妣  
訓戒之所致也。嗚呼。今以此言親報黃泉。君亦可以  
無憾矣。雖然。君未可謂老。天假之年。其有功乎。國家

豈止于此。是則可惜也。君顰眉隆準。孱然虛弱。容不  
踰常人。而才學富贍。經史百家。無不涉獵。尤通三禮。  
蓋得之猶飼氏也。文平澹穩秀。能合矩矱。而詩典雅  
壯。靡不流纖巧。邦人大率長文。則短詩巧。則拙文。  
君則兼之。尤為不可及。君少貧。夙業教授。然不自足。  
數學相半。余與川田甕江等。以一介昏生。敢訪君。君  
下臯皮。謙虛款待。曾不以人師自居。是以一敗才俊  
喜相交。講習資益。其學大進。會海內多故。各歸其藩。  
及明治中。與余再入都。則君與甕江在。而吹洋學盛  
行。及夏舊業者。晨星寥。因更加重野成齋中村敬

字坂谷朗廬等數人結社修夙母而朗廬先亡君繼之斯文將墜地則君之可惜豈獨為國家哉君娶佐藤氏先歿生一男即精也繼娶川田氏生三男一曰俊二皆殤二女一殤一嫁內務省記官永井久所著薄遊吟草一卷毅堂集五卷親燈餘影四卷已刊行金山仙吏私記一卷乃其行實也銘曰  
尾藩雄大屹表東海土沃民饒俊髦濟々昔有紀翁淪落他方晚遂素願任父母鄉謀及國政何獨教學赫赫偉業不負榮擢君生翁後異代一揆藩儒雖多屈指二氏矧君登朝顯々勲級收耶才耶翁所不及

明治十六年十月東京大學教授從五位三島毅撰  
川田甕江曰文字與家儒生常事今毅堂遇世變輔主勤王朝恩優渥君能揮筆具拳顛末死者而有知應含笑於九原抑君嘗作朗廬墓誌寫輒軻不遇之狀與之相及各得其宜非深於文者不能也  
中村敬字曰僕閱老兄之文多矣未有優于此篇也篇法章法句法字法斟酌鍊磨皆無可訖者而一片神理行于其間躊躇滿志作者其自知之矣  
川北梅山曰余與毅堂兄四十年前知己同學於

豬飼先生深識兄者，今讀此篇，毫不用虛飾，能益  
兄平生矣。竊為兄喜，墓誌之任得其人也。  
南摩羽峰曰：蕩。一千五百餘言，詳悉毅堂一生  
芟業，情意懇到，無復餘蘊。文字亦圓活蒼勁，無一  
滯筆，最見其老手。

贈右大臣大久保公哀悼碑陰記

嗚呼！此贈右大臣大久保公殞命之所也。公實社稷  
大臣，其存與亡，繫國家之休戚，使其耆壽黃耆終命  
於衽席間，猶將惋惜悲慕，永抱慙遺之歎，乃一朝變  
生不測，放援無及，天下識與不識，狂奔赴吊，哀惜不  
已。而况同朝共芟之人，僚友知舊，門生故吏，有骨肉  
之誼，有師父之恩，其痛果如何邪！日月逾邁，荏苒六  
稔，履霜露而悽愴，追悼之感不能止。於是背謀建碑  
於馬路僕傷之地，以表其情。願公純忠至誠，密勿玉  
芟斃而後已。死生存亡，一聽于天，而不帶芥乎心。浩

浩之氣并<sup>升</sup>為列宿、護皇基於無疆、百五之下、聽其風  
節者、孰不感奮、與起欽、湊川之碣、嗚呼、字新、峴山之  
碑、行人淚墮、蓋人之悼忠良、經久而愈切、其受禍尤  
烈者、其遺愛尤長、自然之理也、公之勲業、載在太史、  
勅在桓珉、此特錄建碑、爰由以告、未茲、  
明治十六年十二月

編修副長官 近五位 重野安繹 撰文  
内閣大書記官 後五位 勲五等 金井之恭 書石

明治十七年二月三日寫

明治日報 千七百七十二年 一月廿五日

贈右大臣碑石

贈右大臣大久保公ノ紀念碑ニ當ラル、臺石ノ  
數寄屋河岸ニ着シ陸揚ケセシ、夏ハ前号ニ記シ  
シガ、右ノ棹石モ着岸セシニ付、一昨日金井内閣  
大臣記官が同所へ至リ見分セラレタリ

讀賣新聞 千七百七十二年 五月四日 曰 麹町區紀尾井坂下清水谷建設中ナリシ  
故内務卿大久保公ノ紀念碑ハ未ル十五日ヲ以テ落成スニ付同所ニ於テ臨時祭ヲ執行  
セリ由

讀賣新聞 千七百七十二年 五月五日 曰 麹町區紀尾井町清水谷ニ建設ノ贈右大

臣久保利通公之哀悼碑之落成之日昨十四日其式ヲ施行セラシ小松宮ヨリハ備  
餅久保利和牧野伸顯氏等ヨリ生花ヲ手向ラシ陸海軍將校方其他數名參  
拜セリ

桂陰棚谷先生暨繼配久貝氏墓表

從四位牧野貞直篆額

曩者先師藤森子坐堂諫謫死余撰文表其墓刺幕  
府失政酷吏讎視欲倒表問罪人皆笑余直筆犯忌  
諱獨棚谷先生稱揚不置曰子不諛官豈敢設墓異  
日幸作吾墓表以傳信後世今二十餘年言猶在耳  
而先生則逝矣余雖不文寧可負諾於地下乎哉先  
生諱元善字元卿一字善庵別號桂陰又鳳陽又天  
香齋棚谷其氏世仕笠間藩王父諱衡字維嶽善醫  
兼通儒術娶小峰氏無子養若松氏之子諱謙字喬

庵為嗣妻以女弟先生其長子也幼敏慧受業家塾  
塾師見其范增論驚嘆曰此兒必成大器甫踰冠師  
事朝川善庵後與藤田藤森二老游講經史作詞章  
策敗務聲譽漸與藩侯擢為侍醫兼備顧問文文中  
移家江戶貧甚然不肯售技貧財唯詩之耽是耽邊  
警旁午海內多故而二老既亡雖有耆宿所見不合  
顧延余為忘年友每一篇成輒求評論余辭以不解  
詩先生笑曰子非所謂詩人其不解即所以深解也  
今夫風雲月露字彫句琢與國家痛痒無涉則何用  
詩為乃取誦之音調悲愴若有殷憂未幾天下果亂

東西馳驅不相見者數歲中與初建大學於東京余  
拜博士先生亦見徵稱病不就明年奉命集錄本邦  
漢土古今醫方尋又辭之杜門苦讀著國史攬要十  
六卷屬余作序其書起用闢至今世上下數千載政  
治隆替制度沿革歷歷指掌學者傳誦府縣學校採  
以授生徒先生初娶渡邊氏生一男三女並先歿繼  
娶水戶藩士久貝正則之女諱藤子有婦道善事先  
生先生清臞罍立善飲善談客至置酒不論晝夜而  
中饋每不告之舉一女鍾愛為擇嘉偶嫁之島原藩  
士丸山君作樂作樂慷慨憂國權吏議錮於長崎縣

獄女欲強問消息先生憫之遂率家西徙縣學生員  
聞先生名禮招聽講焉先生作縣學記長崎竹枝郵  
寄請評既而作樂遇赦同歸東京乃欲相訪話奮在  
苒涉歲忽得訃音哀夫先生以明治十五年十月六  
日歿距其生文化十年閏十一月十八日享年七十  
久貝氏先半歲歿於同年五月十八日距其生文政  
二年六月廿日享年六十四合葬青山南町之塋義  
子恒義持狀未傳遺囑以徵文蓋先生天賦俊邁夙  
欽古烈士之風為醫終世非其志所著三德事實錄  
研漫錄天香齋集往往見微旨而平生言行亦多可

傳者特以其嫌諛墓故所表章止於此

明治十七年夏五月

官內文學從五位川田剛撰

內閣大書記官從五位勲五等金井之恭書

鱸猛麟刻字



景岳橋本君碑

太政大臣兼修史館總裁從一位大勳位三  
條實美篆額

西鄉隆盛少壯在江戶與四方賢豪交游常曰吾於  
先輩服藤田東湖氏於同儕推橋本左內二子之才  
學畧識豈吾輩所企及哉左內者景岳君之通稱也  
君諱綱紀字伯綱越前福井人生穎達母學有大志  
慕岳武穆為人自號景岳年甫十六負笈游浪華學  
醫於緒方洪菴既而繼父列藩醫越侯識其異材免  
醫員令游學江戶君感奮益講經世學欲以有所報

明治九年一月三十日寫

效會矣。暨正藩學，擢君幹其夏。先是越藩學者拘泥性理，不達實用。君乃建議文武兼脩，仕學並長，別設洋學一科，講究兵法、物產、算術等。又勸詭君侯以倡率諸有司。於是宿弊頓革，一藩翕然向化矣。明年三年也。明年晉侍讀，參典稅務。在江戶邸，自來使來浦賀，國家多夏朝旨，幕議動相抵牾。悟識者憂之，當是時，大將軍溫恭公多病無嗣，而一槁黃門有英才，中外屬望。議者以謂宜立以為儲貳，遂正外國條約等夏以協和朝幕。越侯以幕府親藩，德望夙著，最主張此說。君乃翼贊之，必欲達侯志。內游說幕老諸司外

與水戶及薩土諸藩相結，百方致力。至廢寢食，幕議猶豫未決。五年，君入京師，謁青蓮院宮，鷹司近衛三條諸公，納前說。與其家臣有志者周旋，夏殆成。而溫恭公薨，幕老并伊直躬擁立紀侯。於是越侯及尾水土諸侯皆獲譴，幕府是歲十月，幕吏捕君下獄。明年十月，被刑。是時列藩志士前後逮捕，其遭訊鞠，務引罪於己，不欲累及其主。君獨抗然曰：「此國夏非私事，臣請明言之。」建儲以長賢利國家也。外夏乞勅裁重天朝也。吾主實命臣，臣實周旋之，非敢有他志。君身長僅五尺，白皙纖妍如婦女子，性溫粹謙和，未嘗與

人爭然其臨節翰屐侃、正言不少屈撓必竭其委  
曲故人亦感其誠意皆許心腹川路聖謨以老練見  
稱語人曰昨夜晤橋本生其言論剴到吾半身殆為  
截取吾閱人多矣未見如生者武田耕雲齋與君一  
見如舊歎曰東湖死後復有東湖君齡終踰弱冠而  
為先輩名士之所推服如此其才學器識之概可以  
想見也已君居恒曰吾於宋人服冠準韓琦范仲淹  
冠之制壯韓之沈湛范之爽達皆可師者吾願品格  
學韓氣象學范屬受學冠但三賢過於潔已而乏於  
包荒此中主以下之所不能堪其不得竭其才力而

坐此耳故君之屢慮謀更慎密寬厚無有偏頗其論  
取世曰隨宇內形勢斷然變鎖國之風器械藝術取  
於彼仁義忠孝存於我以謀富強其論洋學曰洋學  
固與善與則其利甚多不善與則其害不可勝言嗚  
乎君之達見老識豈慷慨楹腕取快一眩而不知大  
計者之比乎哉誠使其生及中興之際與西鄉隆盛  
等左提右挈而贊成鴻業則其勳績赫、貽典型於  
天下后世顧果如何耶而隆盛豈推服君賴以匡益  
以得全晚節尔未可知豈不重可惜哉初君就刑埋  
遺骸江戸小塚原後移葬福井頃者親舊胥議將建

碑於小塚原輯其手記昏曉傳狀諸余乞文余昔聞  
君名於隆盛今閱君手記有云重野某薩文儒也吾  
聞之西鄉雖無一面其相知名已久矣故不敢以不  
文辭君考諱長綱稱彥也母某氏二弟綱維綱常皆  
業醫君卒明年二十有六未娶無子以綱維承後綱  
維亦歿其子綱方嗣綱常今為陸軍軍醫監君在鄉  
師夏吉田東篁在江戶游塩谷岩陰門受洋學於杉  
田成卿所著有藜園遺草啟發錄藜園其別號啟莞  
錄年十五時所作議論老成已可觀云明治十一年  
天子北巡至福井褒君勤勞壬夏台其親族賜祭築

宥

金若干後七年始能成此文距君之薨非命已二十  
有七年矣

明治十七年歲在甲申冬十一月

編脩副長官兼大學教授筵五位勲六等重  
野安繹撰

修史館監夏筵五位勲五等巖谷修書

廣群鶴刻

明治十八年三月廿九日午後寫市谷各院 誠

嘉永明治年間録卷八 二十 安政六年十月廿七日ノ條

槁本左内畧傳并ニ獄中ノ作

槁本左内ハ越前福井ノ士去年戊午左内君公ノ密旨ヲ受ケ闕ニ至テ幕府嗣ヲ立ル朝廷賢才ヲ擇リ命スルヲ請フ事幕府ノ忌疑ニ觸レ逮捕セラレ吏訊問シテ曰ク密旨何等密変ヤ左内云ク変已ニ密ト称ス固ヨリ顯言スヘカラス若之ヲ顯言セバ則何ノ密カコソ有ント遂ニ獄ニ下リ刑ニ死ス

送吉田松陰ノ詩ニ云

石碣落軒昂意氣豪聞說夫君膽生毛想看痛歎京

兆夕扼腕頻睨日本刀

獄中作

二十六年夢裏過，願思平昔感滋多。  
天祥大節嘗心折，土窟猶吟正氣歌。

全

苦冤難洗恨難禁，俯則悲痛仰則吟。  
昨夜城中霜始墮，誰知松柏沒凋心。

近世偉人伝三編上 九

橋本左内傳

蒲生精庵

橋本左内者福井藩士也。名綱紀，字伯繼，稱左内。號菴園。後又自號櫻花暗暉樓主人。蓋取諸鈴屋翁國風意云。父名長綱，稱彦也。以醫為業。母箕浦大行寺僧某之女。以天保五年甲午歲生。左内於福井城下常盤街左内幼而穎敏。母學造同藩儒吉田悌藏講習經史。及長慷慨沈毅。處事果敢。而接人溫和謙讓。未嘗與較長短。常慕岳武穆之為人。自號景岳。弘化丙午，丑米利加使節未乞通商。嘉永戊申，英吉利又未于浦賀。國家多故。海内洶々。而將軍家定多病無嗣。左内慨然憂之。欲扶植幕府。衰頹以翼戴皇室。接外國而不傷國體。恢張皇威於海外。當此

類

之敗諸藩有志之徒相議以一橋黃門長而賢中外屬望欲立  
以為將軍儲貳且以為外國條約諸港開否等國家大吏宜與  
衆共謀之不宜任一二有司專斷安政丁巳夏藩主觀幕府在  
江戶召左內謀之左內乃與薩土諸藩有志及幕吏川路土岐  
永井岩瀨諸子交結贊成其議而水戶景山土佐容堂諸公皆  
左袒其說獨井伊直弼欲排羣議以立紀藩主家茂十二年五年  
戊午正月左內上京師以為青蓮院親王及三條內府明敏有  
特操可終始與謀變也乃先謁內府議敗變內府問曰方今賢  
明可輔佐將軍者從川親族中有人否耶左內答曰有因具  
說一橋黃門賢明年長中外屬望且陳其藩主積年苦慮內府

欣然拊手曰天下之變可為也三月左內上昏青蓮院親王昏  
意在於扶植幕府而遵奉朝旨且言諸侯廢幕府密迹乎廷臣  
而謀天下之變者為賣忠獻佞浮薄之徒又說鷹司近衛二公  
家臣仕女等變將成當是之敗備中閣老堀田某守使京師乞外  
國和親及開港赦許且說將軍儲貳朝議紛不決遷延涉月  
幕使乃納重賂於用變二三廷臣促赦許是以朝議屢變正議  
廷臣八十八人連署抗疏論不可委外變於幕府幕使遂不得  
意而還左內先幕使業京師四月抵江戶藩主以為執變專謀  
尊王王佐幕左內日夜電勉送變六月井伊直弼竟擁立家茂為  
儲貳入西城七月將軍家定薨家茂襲職直弼益專橫貴遣貴尾

水土越四矣皆個于其邸十月廿二日夜幕吏數名闖入于左  
內家攫收其文各去其明白左內於市尹石谷因幡罷尙禁錮  
藩邸後數台鞠訊左內故舍誦各吟咏或臨古帖晏如也未嘗  
一語及厯夏六年十月鍛鍊讞成下獄既而又台獄吏錫仆左  
內厯上而縛之斬于傳馬坊獄實是月七日也左內臨刑從容  
著藩主所賜衣端座受刃叱年二十六其弟綱維及門人某等  
乞尸瘞于干住小塚后後函送遺骸于越前某所左內狀貌白  
皙軀幹短小而志氣甚大年十六慨然曰區、學僻瑯終不免  
乎井蛙之見乃負笈游宮攝及江戶出入諸名家門年十八襲  
父職班醫員既而藩主愛其异材擢編親衛隊令游学江戶安

政丙辰藩主新與文武黷台左內免醫員而充其幹夏左內乃  
定令自藩士年十五以上至四十皆就學革軍政購汽艦造砲  
銃製硝藥掘石炭凡藩政之未張者悉振刷興起所裨益甚平  
先是藩學者率出乎山崎門高談空理無益於世務至此學風  
一新云初左內之在江戶也說川路某左衛某大服之稱之閣  
老堀田某某异日見其藩主於大城曰頃者川路某語余越藩  
臣有稿本左內者妙齡而穎敏其議論剴切精確一一中青肯紫  
僕觀天下之士無矣未嘗見可畏如左內者也君有良臣可欽  
羨矣其為權貴所推服如此初遭誦訊也人莫知其由者後家  
人能之罷吏曰其所與謀夏者左內縷述無度一吏問曰此事



汝主當不知有欲暗回護藩主之語氣則左內有感喜之色然  
至於尊王佐幕忠義大節係藩主者則昂然軒眉吐實不避如  
水尾諸藩臣則皆曰復率出乎臣等私意非主君所知其收罪  
一已頗有孤忠可憫狀人或答左內之不忘殊不知死生有命  
使君不義而苟免不若仗大義獲罪使之無缺於忠義大節是  
其平生所志也故臨死不敢枉之其在獄賦詩二首以見志曰  
苦冤難洗恨難禁俯則痛悲仰則吟昨夜城中霜始墮誰知松  
柏後凋心其二曰二十六年如夢過願思平昔感滋多天祥大  
節嘗心折土室猶吟正氣歌人悲其冤死似岳武穆云  
善諷子曰余從其弟綱維觀其画像瀟湘美丈夫羊采奕射

人觀其小傳則其主春嶽公所手各云匠心微妙咄咄逼真可  
以知其一敗遇合之概也有此君有此臣而敗勢之不可至此  
慘毒可勝痛惜哉余著近世偉人傳此人不可缺乃草此傳潛  
然久之遂以貽綱維

閩湘雲曰予南越人也年十八與堤正誼同為藩蠻幹吏助  
能識景岳為人景岳沈勇耐吏寡言慎行雖在燕室必正襟  
端座未嘗見曲肱抱膝而其貌溫杰其言謁杰如婦人女子  
杰當責義論道不少假借予嘗同酌醉後放吟賴子成泊天  
州洋詩景岳奮杰勵声曰止子成不過為一詭昏人苟取詩  
乎有李杜在取人乎有文信國岳武穆在景岳平生所志可

以見矣。安政四年秋，藩侯在江戶，召景岳，議國事。八月某日，景岳率正誼等上程，予送到柳原驛。景岳臨歧握手曰：勉旃！所貴於誦各者，為國家耳。苟因以釣虛名，士之羞也。一別竟成永訣。距今二十年，而景岳一語尚記。獨予耳悲夫！頃日蒲生子，聞作景岳傳，予之於景岳交尤深，不可默視。迺援筆，昏之，不覺淚潛下也。

小冢原吊橋伯綱墓慨然有作 富田鷗波

白露溥荒草，驚行人指云小冢原。一坏苔墳刑場側，夕陽下馬吊夫君。拜罷低回不忍去，追想往昔淚沾。汙君也元是匡家子，總角才名轟閭里。既長兼攻漢，蚤學七年歷遊三都市。自識醫生方技小，一朝慨然投匙起，誓將經國為己任。齡總過冠登臚仕，比歲東洋波不靜，羽扇旁市邊警，廟堂未立一定策。漸看黠虜日驕逞，方是男兒致志秋。杞人何耐抱徒憂，二三有志奮身出，擬獻丹衷贊廟謀。是皆草茅危言者，折首不悔寧顧我。其奈肉食眠未醒，果然激成明堂。

禍君亦在其裏清議同被罪禁錮一室殆三載刀鋸  
在前引領待維敗已未十月晨從容含笑入黃泉三  
日獄中冤氣鬱陰雪慘淡白日昏蓋棺定誰昔然  
奇禍何敢怨蒼天黨人碑上罪案重烈士傳中名節  
芳嗚嗟呼君輩生已為吾邦忠義士死亦應為吾邦  
忠義鬼永與國家同休戚此心明天日赤君不見  
昔日冤死子胥冤揚波飛沙禦敵軍吾知黠虜寇邊  
日將看君輩亦捲腥翻海覆虜船

明治十九年七月十四日

涉私為甚法穆在抄卷陳台福法君之厚  
德可以之亡兄在內為碑石亦建得之既竣  
功成銘感之至奉為候就以此功德告  
式執新表取為表謝意為酒好至  
仕何官未也之字後三封好至  
責臨法之操中亦在右案為之  
中上了案案忙月日界儀以馬札女姓  
亦何好之再好

七月十四日

松本綱常

修築綱紀

維明治十八年十月廿二日芝紅葉館に於テ、橋本綱紀君  
、為ニ有志者相謀リ、千住小塚原ニ建設スル紀念碑ノ  
落成ヲ其靈代ニ告ケ奉ルノ祭奠ヲ執行セラル。其弟綱常  
ヨリ招待ヲ受ケ祭場ニ會ス。孰惟ルニ君首トシテ勤王忠誠  
ヲ竭シ、惟信惟義洵ニ臣子ノ標準ナリ。不幸ニシテ疾ク世ヲ  
謝ス。今ヲ距ル二十七年、特ニ本年六月十一日、紀念碑建設  
聞食サレ金百圓下シ賜ルノ旨、從宮内省勅命ヲ傳ヘラレ。  
勤王報國ノ偉切明ニ白ニシテ、其榮譽ヲ輝シ、君、於地下  
感泣スヘシ。舊主慶永聖代無比ノ恩惠ヲ感佩シ奉リ、隨テ

紀念碑建設ノ美挙ヲ欣喜ス、實ニ悲喜交至ル、往夏ヲ追慕  
 シテ情曷ノ堪ニ、聊蕪辭ニ代ルニ、愚詠ヲ君有靈ハ尚歆享  
 セヨ、

固チ其美ある所の形も是れ由代のまををあらわさるる  
 皇國のはりたあまたの御子代意柄をあらはせしるゆみ  
 ありしを今を於て君が代ハけつらむるは世か

東照宮血統九代裔秀康公十四代

正二位勲二等松平慶永華押

明治日報 千二百四号  
 明治十八年七月三日

橋本左内氏碑

嘉永安政以來勤王の正義を執り、國変の奔走一々、為小幕府の  
 嫌疑を蒙り、其身を刑せしめ、小塚原不祭の鬼となり、怨を  
 吞く瞑せざる者、當敗甚多し、我れ其の中に、齡尚壯、胸中経  
 世の大志を懐き、最同志純推尊を受け、其死を痛惜せしむるを  
 越前福井の藩士橋本左内氏其人なり、氏乃卓見老識、小乙幹、乾旋  
 坤の大器量を有し、當敗早く、開國論を主唱し、或ハ我國の海  
 軍を擴張せしむるを、あをを悟り、為小捕鯨船を造り、航

海者を作為し、以て大い國家百年の計をなすむを、小銳意  
熱心せしむ如きは、実小卓絶の先見ありて、今日よりこれと同  
想を、れ、其見多所の達を、し、お敬服を、た、ま、を、得、さ、ま、り、這  
般堤正誼加藤氏等、最力を竭し、左内氏の知親故舊と相謀り、為  
に紀念碑を小塚原回向院境内(乃ち世人も知る如く、舊幕の刑死  
人埋葬地)に、當取其特赦を得るあり、され、遺骸を他、  
改葬せらる、此嚴禁せらる、る、氏、如きも一度、此所、お葬ら  
墓、れ、縁由あれ、る、お、碑石建設の位置を、持、此舊幕跡、  
ト、下せ、れ、お建設せん、と、氏、お舊幕縁故あり、朝野の貴顯

紳士、お更らり、諸有志輩の、これ、を、贊助、する者、多く、も、る、其、彫  
刻も出来、より、多、れ、お、建立の、運、お、至、ま、い、お、さ、く、その、碑文  
を、三條太政大臣の篆額(橋本景岳之碑の六字)廣羣鶴刻、  
る、左の如し、碑文あり、前条の通り

明治十八年七月四日寫

成島柳北君墓誌

自撰

君諱弘字保民以別號為通稱奉仕幕府歷任侍講  
兼實記編纂長步兵頭並騎兵頭外國奉行會計副  
總裁叙從五位下任大隅守明治維新之際辭職歸  
田明治七年為朝野新聞社長專以國利民福為已  
任君以天保八年二月十六日生於淺草邸以明治  
□年□月□日歿於墨水宅葬於本所小梅村先塋  
之次享年□

時夏新報 八百二十九号  
明治十七年十二月三日

成島柳北君ノ墓誌

柳北君カ去月三十日午前十一時ヲ以テ澤上ノ  
家ニ死去サレタ由ハ取敢ス一昨日ノ命上ニ  
掲載セシカ同君ハ近年病魔ニ襲ハレ特ニ本年  
ノ前半ハ胃病ニ苦ミ其後半ハ肺病ニ悩マサレ  
タレハ日ニ湯藥ヲ喫シ又熱海伊香保等ニ優游  
シテ只管養生ヲ務メシモ藥石効無ク享年四十  
八ヲ以テ溘然トシテ逝去セリ因テ其絶息ノ後  
座右ノ遺篋ヲ開キ見シニ其中一小冊アリテ葬

像ヲ始メ細カニ後夏ヲ示シ置キ又自撰ノ墓誌  
一篇アリ君ノ履歴ノ大略ヲ知ルヲ是ル者ナレ  
ハ其墓誌ヲ左ニ掲ゲン

右ノ通記載シテ其次ニ前條記ス所ノ文  
ヲ掲ゲタリ



